



文苑  
蒲  
藪

不允批答

五十四

~20  
2457  
19



4n  
2332  
19

28  
2457  
19



文苑黼黻卷之三十七目錄

不允批答一

花山君權近不允批答

領議政府事成石璘不允批答

判議政府事李稷不允批答

領議政權轍不允批答

領議政洪暹不允批答

領議政李鐸不允批答

左議政朴淳不允批答

領議政盧守慎不允批答



文苑黼黻卷之三十七目錄

願議政柳成龍不允批答

右議政鄭琢不允批答

願議政李元翼不允批答

願議政李德馨不允批答

願議政李恒福不允批答

願議政柳永慶不允批答

左議政奇自獻不允批答

左議政鄭昌衍不允批答

願議政尹昉不允批答

左議政吳允謙不允批答

右議政金滢不允批答

右議政李廷龜不允批答

右議政金尚容不允批答

願議政洪瑞鳳不允批答

願議政李弘胄不允批答

左議政崔鳴吉不允批答

右議政姜碩期不允批答

願議政李敬輿不允批答

右議政徐景雨不允批答

左議政金尚憲不允批答

右議政南以雄不允批答  
領議政鄭太和不允批答

Blank space with vertical lines for writing.

文苑叢書卷之三十七

不允批答一

花山君權近不允批答

省所上箋辭職事具悉親喪固所自盡子職當然君  
命有所不行予心是愧事親雖孝棄君非忠奪人之  
喪不得已爾從君之令其可廢乎願以眇躬登茲寶  
位不有賢者其能國乎要得忠臣當求孝子道統有  
自来矣明學術者幾人才難不其然乎秉文柄者蓋  
寡卿以程朱之學游夏之文名振中華德尊東土可  
以秉史筆可以格君心不幸遭喪難與接見制禮作

樂誰辨情文事大交隣孰為辭命已踰三月何待期  
年故策卿為本官仍命起復非莫之禁不為是從之  
而不得緣孝子之情則宜歎事親之日短緣寡人之  
情則不知事君之日長卿雖無禦侮之材而有治事  
之智道德以為己任文筆蓋其緒餘今反以文墨自  
任曰雖在衰經之中不廢文墨之事則是冒凶當吉  
予以文墨命衰經之人則是加吉於凶吉凶異宜混  
淆則亂節哀起復移孝為忠違命終喪不忠非孝卿  
若外除麻葛內抱悲哀殷奠益虔練祥無闕既補孝  
治又振文風勉從予懷往就乃職

頌議政府事成石磷不允批答

畏盈乞身雖卿自謙之志推誠圖任實予願治之心  
况人望倚賴乎老成而風彩表儀於朝著豈容退避  
便遂優閒惟卿命世雄才經邦碩德學貫天人之際  
識通古今之宜道合經綸早登三事功多翼亮允符  
具瞻肆惟寡躬續承洪業再煩元老以長百僚果能  
於十年之間盡布其平日之學震撼擊撞之鎮定辛  
甘燥濕之調和勤勞百為終始一節方藉壯猷之益  
著冀盡庶績之咸熙忽覽來箋欲釋重負卿之自為  
則善矣予之所望者何哉嗚呼尚父惟賢起佐文王

老萊子辭職 卷二十七  
之治畢公已老留為周室之師矧伊耆英無愧前哲  
宜強起而視事毋托疾以固辭

判議政府事李稷不允批答

省所上箋辭職事具悉昔在唐虞元首股肱郝俞賈  
載致治時雍迨至商周霖雨之命補袞之章輝暎方  
來卿中和沉毅宏博高明出入勤勞夷險一節樹山  
河帶礪之勲增朝廷九鼎之重巍乎社稷之輔燁然  
邦家之光是用位冠論道之司寄以經邦之任未即  
祗命乃有控辭孔子曰大臣以道事君不可則止今  
豈不可為當止之時乎雖以滿盈而自戒正直乃神

明之所聽柰何方古君子服政之時遽欲投閒謝事  
而願效子房之封留我實非予與斯民之望於卿也  
勉膺成命毋欲牢讓

領議政權轍不允批答

天降割甚於師命非人臣請去之辰予懷憂渴於疇  
咨冀元老勿藥之喜予敢多詰惟示微忱惟卿受氣  
宏深制事慎重行不露乎畦畛言常戒於玷瑕當陰  
長而陽消其智足以免禍逮大來而小往其才足以  
應機憂念一時抱治亂皆進之志勤勞四代輸終始  
罔渝之忠謂與寡躬竟同欣戚何期小疾遽希退休

頃因上下之遑遑以致去止之數數外傷氣血內損  
精神嬰病固然攝養當謹經邦論道異陳力而隨行  
量氣赴朝豈入卯而出酉母有遐意以困予心噫予  
累然衰經之中茫乎濟川之望倚卿如左右手惟卿  
盡股肱良

大提學  
李珥製

領議政洪暹不允批答

人惟求舊方倚重於老成國耳忘家盡篤禁於廊廟  
冀回卿意茲彈我懷嗟予寡昧之資繫賴弼諧之力  
厭亂求治若涉川而無津遭禍居憂誕籲天而靡恃  
是予家弗造之日誠臣隣盡職之秋在踈遠尚克悲

予矧股肱何忍棄我惟卿有文有行克子克臣位躋  
上台無瑕玷之可指年踰稀壽幸氣力之尚強入孝  
出忠供職無碍於養老經邦論道攝生豈害於調元  
重任詎宜輕移微病可以勿藥勉副如渴之望毋堅  
遂初之心

大提學  
李珥製

領議政李鐸不允批答

嗚呼元首惟后相惟股肱疇予篤禁惟老成是賴眇  
眇寡躬嗣大歷服德涼時季百虞是叢志勤效遠政  
用不理若涉無涯之水予心之憂日月逾邁若不云  
來惟幸先朝耆舊左右小子俾無墜前緒惟卿蓄材

不矜素德不形是非內昭而不以畦畛示人夙夜匪  
 懈而不以一績取名垂紳正笏衆望攸歸潛扶默持  
 之功重於九鼎予念卿勞終始仰成卿思予哀豈宜  
 中替卿雖衰白受氣非薄保養真元二豎可殄論道  
 經邦職非陳力量氣詣朝仕無卯酉明醫可觀藥餌  
 無闕愛身所以愛君調病豈妨於憂國乎嗚呼可畏  
 非天可憫非民天威孔赫予與卿敢不敬迓民勞可  
 康予與卿敢不惠鮮卿今求退予失腹心衆論淆亂  
 賄乎取捨予將疇咨以定積弊沉痾莫知端緒予將  
 疇質以革百隸怠官庶績咸隳予將疇仗以振號令

壅滯澤不下究予將疇憑以宣嗚呼予不用多誥予  
 惟用畏憫于天越民左台嬰疾方動予懷卿今繼辭  
 增予震驚卿無困我用欽乃職

大提學  
李珥製

左議政朴淳不允批答

閱予小子遭天不吊葦葦在疚古今異制雖未克不  
 言摠理機宜俾予不困于茲務繫賴股肱之良我先  
 王遺小子以大曆服惟欲迪知真諶不二心之臣畀  
 以具瞻之位責以篤棊之誠匡救不逮用紹緝熙之  
 緒予雖不肖曷敢簡賢輕禮自同于昔進而今不知  
 亡惟卿飭躬勵操舊有令聞文足以華國學足以適



用清以激濁直以斥邪勤勞我邦家厥有懋績予用  
嘉焉擢卿黃閣俾卿作憲摺紳弼予涼德永世無斁  
念卿受氣明粹賦形清臞調度或愆疾輒棄望卿  
將理適宜庶保徇國之軀無貽戚于寡躬倘因庸華  
少恙遠挹深辭期於釋負荷之重匪卿作馮作翼之  
本意亦豈予所期於卿者哉乃者人言不中宜不安  
厥位顧予思惟大臣當曠厥度當弘厥心小故不宜  
芥滯以傷予飢渴之懷嗚呼眇予獲衆于天天怒孔  
赫大禍之餘衆災疊臻亢陽焦土淫霖浸稼念彼小  
民室如懸磬野無青草弱填溝壑壯流四方阻飢既

苦盜賊將熾矧伊朝著之間士習不正廉耻道喪後  
公先私肆致是非靡定紀綱解紐今欲奮勵矯革則  
人心不靖反挑厲階荏苒因循則日就委靡束手待  
亡靡急靡緩漸移世道匪有經世之才疇能克爾卿  
雖謙退不當此名當今寡昧之倚毗匪卿伊誰昧昧  
予丕遠惟今日之憂若涉洪流不見津梁哀賢顛俊  
聚精會神庶克有濟士在巖穴尚克徵辟豈放廟堂  
之賢使遂遐志以卿之忠亮他人求退尚克援止寧  
可自堅遁思以困寡昧予匪多詰用布予忱卿須熟  
慮毋執初心

頌議政盧守慎不允批答

大臣之義與庶僚不同多事之時視閒暇亦異夷險  
誠不可擇進退安得自輕惟卿德業俱隆神明所勞  
七十終考古亦未聞朝夕輔台今實有望復置諸具  
瞻之重蓋出於仰成之勤茲尺一之聯翩奄至再而  
繾綣何其久也尚此金玉爾音跂予望之又降絲綸  
之旨惟上下惕念之日豈老成丐閒之秋卿毋過自  
優遊予欲保其終始側席以待正為無踰老臣竢駕  
而行以致既見君子不敢多詰慎勿更云嗚呼蒼生  
望謝安願豈止矯情鎮物中國相司馬庶不復生事

開邊毋執崇謙勉循至意

大提學  
柳根製

頌議政柳成龍不允批答

嗚呼卿將棄予而休歟然則其將忘社稷之憂而自  
逸之求歟卿必不安為此矣然則其或有大未安於  
中者而不能自己歟抑亦予待卿之不誠以使卿不  
安其位歟予實無此矣然則卿之病果深筋力果衰  
果不堪供職務歟不然則引疾之告奚為五日而再  
至歟予聞卿病以來為之寢寐不寧嗚呼卿有大賢  
之資而充之以學力有王佐之才而將之以血誠自  
予承丕丕基卿常在予左右以引以翼以交修不逮

文苑龍龕 卷三十一 七  
觀其正色立朝行已不回公以處事莊以接物予每  
望之輒起敬予惟知卿之深信卿之篤故首尾二十  
餘年任之不貳徃徃雖有譖毀之者而予未嘗一毫  
疑卿情好之隆終始不替此則予雖不言卿尚克知  
之速國多難廟社播越控訴天朝以亡圖存而其間  
事機之變動實有極難酬應者卿能周旋其際善為  
辭命庸縫之使完扶樹之使固微卿之力國其幾有  
濟矣劉惟今天禍未悔國步愈艱皇威雖揚賊情難  
保而在我自治之道日以益懈其可畏可憂奄奄岌  
岌之形日以益深蓋天生卿以為社稷而正有需於

極蕩之日然猶可求退耶恐卿未之深思也頃予多  
疾殆不堪機務欲攝以東宮蓋出於甚不獲已而卿  
率庶僚廷爭甚懇條陳國家大計開說君臣分義至  
於涕泗橫流毛髮盡白至誠所感予不得不為之動  
謂與卿協心刻力以圖弘濟于艱難庶幾日見遺業  
之重恢不意卿遽以疾告也以卿而退予誰與為國  
嗚呼盡悴之餘雖不得無疾而年齡不至遲暮職務  
不至鞅掌加護善調尚堪勉強願卿諒予意毋徒以  
辭退為計而先為宗社念嗚呼義雖君臣情猶朋友  
昔嘗以兩句告卿川為舟楫羹作鹽梅今豈宜一日

忘國尚竭股肱之力用副倚毗之誠

大提學鄭經世製

右議政鄭琢不允批答

嘉猷黼黻乎治道方切期於贊揚元老柱石乎邦家  
奚可輕其去就一之不可再斯何為惟卿敦大閱深  
中和溫粹學通天人之妙務為韜晦才抱經濟之能  
每加謙遜卿自有德人實不知屬茲天步之艱難遂  
致國事之潰裂自從于亂實多乎勞國有老成人衆  
望咸為之重視猶左右手予心賴以則寧况戎事尚  
未定焉豈大臣有是請耳自為計得顧於義何風寒  
暑濕之來侵愆恙固人難免震撼擊撞之相憂鎮定

匪卿誰宜此時勢殊異乎曩時昨日疾可愈於今日  
於戲鄧禹佐漢實贊中興之豐功裴度相唐潛消老  
賊之兇計勉效廟堂之奇策快雪宗社之深羞限暇  
則寬庶幾安心而有裕無令來告豈容缺望而苟從  
領議政李元翼不允批答

元首賴股肱之良倚毗方隆於注意大臣任國家之  
重引決奚果於告歸屬覩屢至之章彌缺共貞之望  
惟卿董桂之性金玉其相接立千尋屹若狂流之砥  
柱清苦一節儵然宰相之布衣爭瞻正色而立朝自  
許忘身而殉國翊寧考於在難積著勤勞輔寡躬於

居憂倍輸忠蓋以疾丐閒者纔兩三歲思欲復用者  
非一二時暨置首揆乃卜元老豈惟予志之先定抑  
亦衆謀之僉同搢紳相慶於外庭人情可見衛士擁  
觀於中路民望不孤晉接慇懃不倦移日之對殷憂  
耿結痛陳傷時之言方深銘佩不忘益求彌縫其闕  
何開筵之未再奄邈續之至三老成有典刑非卿孰  
資乎論道神明勞愷悌卧閣猶可以攝生矧耳目之  
不衰而恂幅之深篤云胡求退甚力不諒願留之忱  
雖後嗣之無能謂莫足與我為善若前光之式遏其  
敢曰在家不知毋得俾躬處休一以安社為悅於戲

若構廣廈卿其棟梁若決大疑卿其著蔡庶不遐棄  
用底丕平更念先朝知遇之恩勉圖今日報效之地

如製教趙  
希逸製

領議政李德馨不允批答

黃閣贊訐謨注意方篤於上相蒼生繫重望引病胡  
至於連章實惟闢此安危焉得輕其去就惟卿乾坤  
間氣廊廟奇姿德宇恢弘撓汪汪之波而不濁才猷  
敏妙游恢恢之刃而有餘早擅譽於白眉夙通籍於  
青瑣三銓選部李下無蹊八斗詞源胸中吐鳳祖茲  
瘼矣之多亂幾殫國耳而獻忠區畫百為征繕榮應

之盡善終始一節險阻艱難之備嘗鳴玉則白珩非  
玕按節則金湯再整軍中有韓范西賊之膽幾寒江  
左得夷吾桓彝之憂自息式造几几俾踐巖巖遂專  
槐面之尊允叶棟隆之吉德業經文武謀王體而斷  
國論儀刑表措紳亮天工而熙帝載經綸多裨於再  
造設施動協於群情誓黃河而榮勳豐功擬酬於宣  
力辭丹冊之紀錄至懷尤見於撝謙何意仰成之時  
繼上釋負之請豈由寡昧之難輔抑恐委任之不誠  
台德未盡於自周有終奚責於碩輔國步日就於斯  
感扶顛敢恕於蓋臣夙夜在公雖或致陰陽之寇愷

涕所勞亦豈無神明所扶矧卿齒髮之未衰而今事  
機之交急賊謀來喝於南徼蛇豕之荐食可虞虜箭  
屢傳於北陲犬羊之驟突誰遏大臣之道豈在家而  
不知无妄之災庶勿藥而有喜乎曷敢乎多詰毋堅  
勇退之心卿亦可以自思蓋敦勵相之義於戲元首  
股肱相須為體曩已推赤心而告卿再揖鹽梅所望  
蓋深今豈可綠野而困我

領議政李恒福不允批答

高穹翰運資四序而成功泰階升平俟三台而建極  
倚毗若是引疾云何惟卿身係安危國同休戚兵革

十年之勤瘁南徼西關雲雷千載之經綸中書上相  
色不喜於三仕有令尹倘來之心清則畏於四知有  
弘農特立之操朝野皆想其風采砥柱頽波奴隸皆  
伏其清明青天白日惟聲名之蓋世故媚嫉者盈朝  
公論不待久而自明德望乃因退而愈重夷狄問襄  
公安否坐收折衝之威兜童誦君實姓名久鬱加額  
之望屬當台席用首巖瞻扶世長才豈終於遐棄鎮  
物宏量尤藉於危疑庶于于而來何望望然去念卿  
年尚少非乞休之時而國事多艱豈告病之日天災  
時變未知消弭之方南警北虞周措綢繆之策群情

莫朝夕保敫證難一二言鎮撫修攘惟此時為急調  
和燮理非大臣其誰庶務不妨於卧治微恙自喜於  
將攝難進易退固常恨立朝之無多左掣右牽寧復  
使蘊才而莫展雖卿戒在知止願予誠切仰成安身  
孰與於安民醫病亦可以醫國於戲卿之素節予歎  
之深卿之赤心予知之久勉副如渴毋過自謙

頌議政柳永慶不允批答

國家安危所係者重相臣進退未可以輕豈因微病  
遽拋丕責惟卿風神秀整器量端凝孤鶻橫秋迥出  
塵埃之表明珠在水自絕泥滓之痕展也廊廟之珍

允矣邦家之彥水壺水鏡操履瑩然粉署金閨聲譽  
藹若頃遭王室之多難寔賴蓋臣之訥謨承宣海堦  
煦濡撫摩者幾載飛輓嶺嶠險阻艱難之備嘗戴身  
烏臺手有風霜之筆持衡銓部門無桃李之蹊青松  
本貞不為寒暑而變白玉自潔豈以燥濕而渝惟其  
有諸已者若茲故以施於事而必達爰卜金甌之覆  
俾登赤舄之班存亡大機任潞公之能斷文武庶務  
藉寇相之宏猷朝著作為羽儀邦家倚如柱石何料  
注意之日輒見求退之章侍藥窮年固致思慮之煩  
惱忘身循國必多夙夜之勤勞乃是无妄之灾何有

不已之恙茲念時勢之甚急此之曩昔而尤艱天山  
之箭屢傳惟其棘矣日域之書將至何以處之國事  
牽補之虞何暇毛舉民生倒懸之苦難容縷陳塞禡  
敢緩於漏船徙薪宜疾於燬室子房辟穀恐非其時  
午橋勻閒寧有是理義同休戚惟願力疾而朝神所  
扶持可見勿藥之喜亟念將伯之助毋貽困我之嘆  
於戲勉留黃扉克體圖任之意益勵素節終成匡濟  
之功如製教閱  
慶基製

左議政奇自獻不允批答

若大旱以為雨欲見天無灾海無波三年有寒疾不



可風是豈膏之下育之上二豎帝賞屬耳我何遐哉  
惟卿才惟棟桴器是閔石涵虛千頃人不能澄之撓  
之回首萬牛世莫可挽也擠也昔羅駿於冀北俄挿  
翼於圖南雕篆強辭於書堂衮鉞寧逃於翰苑從予  
其誰子路寇至則去寇退則還今人不忘名公所說  
勿拜所爰勿伐一命二命三命偃僕終至於循墻天  
知神知我知俯仰無忤於立壁逮銓衡之落手昇皂  
白而平心曲瑀方琚玉珮稱清濁之響青芝赤箭藥  
籠收馥郁之芳予俞國人之曰賢命虛相位而爰立  
貳公弘化望崇三孤調陰燮陽職司百揆令朝廷波

析之議若防制川冀軍國絲棼之治如裘挈履不料  
注意之日遠有引疾之章臆股肱始驗於虞書失左  
右還同於漢祖堂構綠野寧許晉公投簪願從赤松  
欲請留侯強食嗚呼南帆才返北鑄屢鳴試看今時  
綴旒之機岌岌其殆豈宜當朝幹樞之彥望望然歸  
韓稱善醫者天所與之易云勿藥而疾有喜矣柳夢  
官知  
製教

左議政鄭昌衍不允批答

君臣一體要須誠意之相孚進退何心惟視義理之  
所在儻皆思於獨善曾何賴於胥宦惟卿喬木名家

國華盛望自乃祖乃父相先王而弘大猷暨為卿為  
公歷廢朝而全令譽茲為元老先稱世臣故當再造  
之初委以百揆之重方茲注意之深切奚遽請告之  
頻繁豈予不之有為而卿所以求退然相臣之去就  
實係安危况國事之艱虞不啻草創兇徒伏罪反側  
之心未安善類登朝獲貳之漸已著願網欲舉而久  
習猶存弊政雖除而實惠未究加之賊虜之闖覲繼  
以師旅之繹騷徒勤宵旰之憂未得堅凝之策蓋首  
相獨任其盡瘁何諸公無意於協恭筋力雖衰故知  
老成之可用神明所相豈慮疾疾之為災蓋親醫藥

之護持庸勉益梅之調劑嗚呼體予親賢敬老之至  
意亟回遐心待卿尊主庇民之成功始議高蹈

大提  
學張

雜  
製

領議政尹昉不允批答

四序佐而歲功成八柱擎而乾維正况君臣相須成  
體而上下允宜協心恭惟我朝傳六士聖禮遇賢相  
非一二臣有若黃喜奮庸英廟之溫綸浚發有若朴  
淳求退宣祖之宸翰昭回前王不忘後嗣可法當今  
之世舍卿而誰雖古之人無出其右肆予即作以後  
於卿注意之深若救危棋待國手而活若作厦屋得

工師而成爾有嘉謨嘉猷入告于內凡厥庶官庶政  
咸得其宜孤棘并賢予方得君之重公槐英命胡寧  
忘我實多雖欲辭富貴功名獨不念宗廟社稷蒼天  
示警未孚對越之誠白屋多寃或有萇楚之詠山戎  
窺我灣上葦帛羈縻天兵屯彼島中船粟往哺時亂  
有如此者非卿無以鎮之揚厲宵衣常不安於丙枕  
矜式朝著庸可休於午橋問疾親臨雖未違於古禮  
遣臣敦諭蓋亦出於至誠予不再言卿庶幾改如製

鳳瑞製

左議政吳允謙不允批答

无妄之疾庶幾乃瘳引辭之章胡為乎至宜思休戚  
之義勿以去就為言惟卿冰蘖清操廊廟偉器良金  
美璞未之喻乎精華威鳳祥麟爭先覩其奇瑞行忠  
信於蠻貊日域歸心感精神於風濤海若屏迹靡試  
不績粵自先后之時所賴惟卿實切寡躬之眷肆命  
三宅端揆用俾百辟儀刑非道不陳卿實納予無過  
深誠未孚予乃負卿良多尤當正事之辰何忍若晚  
之退少遲飛帛之落厥咎在予自非沉繇之憂勿藥  
有喜矧今時勢之扞抗方仰老成之扶持漢節纒回  
國計民力之波蕩夷情叵測邊憂廟筮之絲煩詎合

輕身毋自介意於戲望卿如歲當思弘濟艱難日候  
造朝冀勉共贊宥密

知製教  
沈膺製

右議政金瑬不允批答

一日萬機方賴卿而理連章再控何棄予之遐亶由  
委任之不誠抑謂寡昧之難輔惟卿弼我初政簡自  
先朝山濤久秉銓衡賢路大闢李膺獨持風裁士論  
咸推惟其有匡濟之才是以隆倚毗之眷一言破朋  
黨之議嘉乃協恭三載兼將相之權偉爾弘畧肆當  
國勢之抗捏益佇台輔之彌綸潞公復還庭臣交笏  
稱慶司馬再相國人加額懽呼何意仰成之時遽申

引疾之請誠心漸薄予不承乎權輿禮貌寢衰卿實  
勇於辭退第切失言之戒反深省愆之慚執微細之  
小嫌無自介意論去就之大義豈可輕身矧今危乎  
殆哉尤難捨而去矣天灾物怪之已極此誠何時民  
怨邊虞之孔殷不遑寧處固宜鞠躬而盡瘁何忍袖  
手而傍觀嗚呼名責朝堂予何愛於小豎嚴凝廊廟  
卿則重於泰山亟回遐心勉副至望

知製教沈  
東龜製

右議政李廷龜不允批答

辭榮求退者舊之常情徇國忘私休戚之大義輕重  
所在去就何居眇予一人膺茲重寄只緣誠意之淺

薄未見上下之交孚首尾九年迄未寧靖夙宵一念  
 何嘗忽忘方值民事之多艱重以災異之沓至呻吟  
 載路奚啻由已飢之謹告自天固知無所禱也况此  
 危亂之兆何可觀縷而言所以仰成於臣隣庶幾拜  
 患於邦國卿以清流雅望白首初心早被先朝之鴻  
 私晚契一堂之魚水當昔全盛之日顧難私便身圖  
 及今艱虞之時何忍自求暇佚事有善敗勿憚悉心  
 開陳言無淺深敢忘虛已翕受况陰雨綢繆之備及  
 內外修攘之謨廊廟之所講求存亡之所關係誠如  
 救焚而拯溺猶恐後時苟或袖手而傍觀疇克弘濟

予惟為君而無樂卿豈在家而不知血誠危辭豈在  
 多誥風淫末疾宜即見瘵於戲祖宗在天之靈曷不  
 念幼孫有此小大盈庭之議其必待元老折衷亟斷  
 累至之章勉盡共貞之道

大提學鄭弘海製

右議政金尚容不允批答

夢卜庸真相今方倚卿而圖治安危在大臣何忍棄  
 予而求退每見辭章之沓至自愧誠意之未孚卿美  
 玉無瑕精金百鍊雅量宏濶汪汪若千頃之波瀾直  
 氣森嚴凜凜如萬丈之華岳惟其不阿於世是以無  
 黨於時早承先朝歷敷已極於清選及在曩日終始

不失其令名肆予擢實於銓衡使物罔逃於藻鑑賢  
邪進退無愧於前漢之興隆朝野清明實係於冢宰  
之貞亮身登黃閣不違蒼生之屬望名入奎甌允協  
都人之加額方期一堂之魚水永作三韓之蕃龜何  
圖乞退之五章遽出作相之數月予雖否德卿可糾  
繆而繩愆卿何決歸予甚愧心而忤面事之是非不  
出於回情而循理獄之曲直豈在於平心而審量予  
之所期於卿者唯在於斯卿之所望於予者豈有他  
道於戲時事多艱而卿不起國勢日蹙而卿不謀朕  
予一身誰與為國言念及此心焉如崩

知製教趙  
緯韓製

頌議政洪瑞鳳不允批答

驚濤敗楫不足喻今日之危巨川作舟尚賴予元老  
之畫奈何顛喪之莫恤遽以疾病而為言惟卿雅度  
淵淳清標五立襲忠貞之華國典刑綽有遺風掌絲  
綸於先朝文章特其餘事逮予撥亂之始所以注意  
者隆鐵券丹書既申帶礪之誓黃扉赤舄仍躋玉鉉  
之尊居然真宰相有容方諸古大臣無媿屬茲禍亂  
之極益著篤棊之忱險阻艱難之備嘗不動聲色夙  
夜勤勤之匪懈用竭股肱頃因藩文之來致有灣館  
之役馳驅數千里外義何憚勞首尾六十日餘終不

厚命豈謂言旋之日遽見乞退之章念卿觸肯嚴激  
或未免榮衛之失攝迨今漸向和煦亦何難將護而  
造朝縱筋力之衰遲不至耄老矧國家之捏抗詎宜  
卷懷固當卧閣以經邦彌殫鞠躬之節豈如有司之  
供職不耐鞅掌之煩試觀岌岌乎殆我寧忍望望然  
去也小民分崩而離析各二其心上天譴告之丁寧  
不一而足予心罔知其攸濟老成相繼而控辭由寡  
昧誠意之未孚慚忸實切在勲舊責任之甚重去就  
奚輕毋執素履之搗謙少答蒼生之存望

睦來善製  
官知製教

領議政李弘胄不允批答

年踰七十而乃老考禮經而當然運值百六之斯艱  
觀國步則不可卿何丕讓予欲無言念茲多難之未  
堪皆由寡德之不辟天災重疊向九門而腐心人畜  
凋耗顧八路而覲面常思得賢而共國要以保民而  
安邦在山林猶且于于居鼎鼐其何邁邁燕臺首築  
尚致辛毅之爭趨越殿瞻懸未聞種蠶之求去惟卿  
以將相器為社稷臣昔我先王固已寵擢於崑桂惟  
予小子又能歷試於棘槐自其不卑於小官人知將  
降之大任輕裘緩帶早追羊杜之蹤廣廈細氈幾接  
夔龍之武主兵而紀律振肅持衡而藻鑑精明於我

如浮雲心雖在於澹泊用汝作霖雨身則佩於安危  
應變守文任百責之所萃能謀善斷繫二人之共貞  
方俟大猷之時非豈意微蠅以遽退盡瘁以仕固知  
筋力之難支其疾之憂必有神明之善護於戲雖欲  
致為臣而去此誠何時可謂得其君之專予豈有負  
勉回若挽之意亟副如渴之心

知製教  
金瑄製

左議政崔鳴吉不允批答

卿才十倍他人方佇委任而責效時事一至此極詎  
宜引疾而丐閒尚忱念予毋用困我惟卿資品愷悌  
識鑑精通有謨告之薦紳無出其右殆天授也朝野

所恃而安惟其十六年之遭逢是以大小事之諮諏  
陸宣公之奏議知無不言陳孺子之運竒人所莫及  
遭顛沛而志彌篤涉憂患而慮益長孤壘風塵寔資  
一隅之倚仗絕域冰霜載勞千里之驅馳頃緣輿疾  
而歸俾盡造朝之對念彼浩大之興役卿實愍然顧  
茲要會之添防予不獲已民經大亂之後訖可休息  
之時天未陰雨之前敢緩綢繆之策軍國事不厭熟  
講君相間所貴相知得失所存意見雖或有異去就  
以決引退奚可自輕予欲其預則立焉卿無口數斯  
辱矣以聲色而相拒非敢訑訑抑誠意之未孚於我



戚戚國之社稷若是宜群策畢舉而成義可休戚與同豈一言不合而去况今首揆之在告將此大計而問誰相亦惟終方上下寅協之日天乎何負實危急存亡之秋於戲勉副虛心亟出視事永肩期白首終始待股肱之贊襄不起奈蒼生進退關時運之隆替

如製教沈東龜製

右議政姜頌期不允批答

國其庶幾乎予方仰成於一德事無可為者卿何求退而三辭忍棄嫫嫫徒思邁邁言念時勢之孔棘實是世臣之深憂惟同德同心股肱成體於元首自乃

祖乃父忠貞服勞於王家諒休戚之是同宜死生而不貳矧此危急之際胡然安逸之圖麥禾大無去年今年之飢饉徵調太急千里萬里之愁勞何安乎玉食錦衣所恃者麗臣頌輔周旋籌畫之盡善賑救彌縫之得宜盡瘁勞心疾宜生於夙夜勿藥有喜功必賴於神明况首席之已空何昂鉉之又缺四時之相推歛雖欲不居於成功一心而有始終寧可輕忘於殉國允為大臣之道不以微蠶而行亟回子午之選心以副宵旰之至望於戲欲復先王之赫業宜念君誰與為在讓後人于丕時莫謂吾屬可去

如製教金堉製

子前補前  
卷三十一  
二十  
顧議政李敬輿不允批答  
閔子嗣服以來粵至國事之罔極大臣辭位而去何  
忍私便之是圖再閱來章深切注意惟卿一代模楷  
三朝老成蘊政事文學之才輔之以劉介有孝友清  
忠之行守之以謙冲責羽儀於清朝皆識鳳凰之草  
井峻秩於台鉉用作麴蘖益梅風雲際遇之益隆終  
始望實之俱稱豈料赤烏之未返遽滋蒼梧之遠巡  
追先王妙簡之心圖任舊德置百僚具瞻之位弗迷  
後人見司馬之重來衛士咸喜待李綱之再入朝廷  
方尊肆篤倚毗之誠置諸左右尚賴匡救之力濟于

艱難調劑兼中予之意即卿之意契合無間念在茲  
而釋在茲方期二人之共貞乃有再度之請急豈寡  
昧之否德未足與有為而禮貌之或衰將色斯而去  
見辭章而如失反寡躬而省尤不必深治顧何誅於  
鳩舌固已洞燭姑以示於包容縱有過言亦當諄諄  
而入告務存大體豈宜悻悻然辭歸矧今俯察而仰  
觀不但流涕而痛哭天災時變之疊現誰講消弭之  
方人心世道之漸渝誰任挽回之策朝論嚆貳而之  
寅恭之美民生散四而有嘯聚之憂於戲使居州而  
不留誰與為善雖孟子之有疾必請造朝知製教曹  
漢英製

文苑補後  
卷三十一  
不允批答  
二十三

右議政徐景雨不允批答

國家之憂虞朝夕莫保宰輔之勞瘁夙夜惟勤詎免疾病之乘固知機務之劇開誠心而備告諭尚亦無遐近醫藥而專精神庶幾有喜豈未體於眷注而屢煩於控辭念予暨卿共休與戚先王有臣同德猶及老成乃父教子以忠實為社稷肆升載於左右前後惟一介如心腹股肱識博才周而論議輒有根據行方道直而趨向不為雷同歷試已優延登何晚朝廷之上坐振紀綱廊廟之間頓新風采予有待於啓沃者諒非一端卿自任於經綸者曾未半歲疇咨纒罷

於前對將攝遽乖於中虛數月未能造朝日深如渴之望一病初緣憂國今胡自便之圖荐見辭章果切惕念士論未靖何以得調天譴孔昭罔知攸濟雖君臣馳驚而不乏願者舊遜辭之何心神明所扶必收勿藥之效陽和漸煦又當欲蘇之時勿困眇躬勉思大義於戲有舟楫之具然後可以涉江海有和扁之術然後可以寄死生若茲相須曷敢多誥

太司成  
黃康製

左議政金尚憲不允批答

未堪多艱方深任舊之意何恙不已繼上引疾之章辭雖至三言則弗再惟卿乾坤正氣社稷元臣德業

文章久負士林山斗之望精忠節義益著邦家板蕩  
之辰獨扶萬代之藝常屹作中流之砥柱樞庭一牘  
復見聖世之伯夷異域三年生還燕獄之丞相睿簡  
在於先后爰立台鉉雅志存於閒居久卧溝壑屬遭  
烏蹄之痛乃見赤烏之還温公入臨都人聚觀於道  
潞國制下搢紳相慶於朝大老來歸此天不棄孤也  
宗臣協輔吾國其庶幾乎那知倚毗之初遽有求退  
之計念惟寡昧雖不足與有為追思舊恩獨無意於  
圖報閔予小子丁此巨創斬焉衰經之中莫知攸措  
顧茲諒陰之際誰代予言因山未完善為無憾於大

事遠日將迫難抑罔極之至情斯大臣共戚之時豈  
中台曠位之日世道日汚惟卿可以挽回國綱波頽  
惟卿可以振肅誠通金石自可卧運經綸名滿華夷  
何難坐鎮雅俗雖有霜露之疾神明是扶莫謂年紀  
之高精力尚旺遂稱病篤是誠何哉共濟時屯其亦  
急矣少回暑凜之志用副如渴之誠於戲靈光獨存  
景星爭覩尚猷詢茲黃髮予深切於仰成不起其如  
蒼生卿莫替於篤大提學趙復陽製悲  
右議政南以雄不允批答  
國事方艱恃輔相之共濟遜章又至歎誠意之未孚

亟回退休之心勉副倚毗之眷惟卿早著勲伐歷試  
險夷湖右褰帷幾多宣化之績關西典餉深得理財  
之方正願網於柏臺霜威振肅清仕路於銓部水鑑  
公明自登黃閣以來益協蒼生之望當今腹心之托  
捨卿其誰幸得股肱之良舉國以聽屹若擎天之柱  
獨立不移隱然負海之鰲自任以重何知引疾之牘  
乃出注意之辰願精力之尚強宜思盡瘁之義惟神  
明之所護佇者勿藥之休病且未忘魏公之徇國是  
見老而不去彥博之愛君非他顧念時勢之多虞豈  
合相臣之求退卧閣論道固無妨於經綸肩輿就班

亦何勞於趨避安危所係去就奚輕於戲卿辭至三  
予言不再君臣相與頌體勿貳之誠休戚是同毋替  
惟一之志

頤議政鄭大和不允批答

昨傳予再諭之旨今見卿三辭之章此豈惟卿遜讓  
之莫回抑亦由予誠意之未至方且悔責輒復申敷  
惟卿雅度冲襟宏猷卓識才堪命世而寬足以有容  
道可經邦而智行所無事故以四世五公之隆墜終  
為三朝一節之蓋臣為上相十年加又十年而小心  
一日愈於一日細事若不經意而政令必掣機要平

時未嘗有為而履屐亦中矩度是所謂巨川喬嶽不  
見運動正亦賴梅酸鹽醎自然調和卿輔予既篤既  
勤予望卿彌久彌摯則不料屯艱之會又連有英退  
之辭當廟禮監董之餘或損於榮衛以天災荐仍  
之故蓋過引乎咎譽夫安有不安之心必已臻良已  
之吉觀今國勢則垂淹滋欲頽之日察今時事則泛  
洪河不操之舟小民雖詛而有司罔知或且飾怨為  
悅上天難諶而人情已狃寢至指異為常茲當予疾  
病之辰益思卿藥石之訓卿未可去此誠何時將使  
僚相而獨勞須念大體無待寡昧之多誥宜副至懷

於戲休戚與同卿必欲為國盡瘁安危所係卿豈曰  
在家不知毋為乞解之圖克懋濟屯之策

大提學金  
錫胄製

文苑黼黻卷之三十七

文苑黼黻卷之三十八目錄

不允批答二

右議政趙翼不允批答

左議政金埈不允批答

右議政李時白不允批答

左議政具仁虛不允批答

左議政元斗杓不允批答

領議政洪命夏不允批答

領議政許積不允批答罪削

左議政鄭致和不允批答

文苑黼黻卷之三十八目錄

領議政金壽恒不允批答

右議政李慶億不允批答

右議政鄭知和不允批答

左議政權大運不允批答

右議政許穆不允批答

左議政閔鼎重不允批答

領議政南九萬不允批答

領議政柳尚運不允批答

左議政尹趾善不允批答

領議政徐文重不允批答

左議政李世白不允批答

右議政徐宗泰不允批答

右議政趙相愚不允批答

領議政洪致中不允批答

領議政沈壽賢不允批答

右議政金興慶不允批答

左議政金在魯不允批答

右議政趙顯命不允批答

右議政鄭羽良不允批答

領議政李宗城不允批答



領議政金致仁不允批答

左議政李潑不允批答

右議政鄭弼淳不允批答

領議政鄭存謙不允批答

領議政徐命善不允批答

左議政李福源不允批答

右議政金燧不允批答

文苑叢書卷之三十八

不允批答二

右議政趙翼不允批答

嗚呼昔名公告老周公請留其辭勤勤懇懇予讀君  
夷竊嘗疑之曰周公聖人成王賢主以周公之聖輔  
成王之賢雖無名公有何損益而周公若是其勤懇  
者何哉誠以邦之抗捏榮燥一人故也然則大臣去  
就顧不重歟矧予之不德有愧於成王遠矣今日艱  
危萬倍於其時由此言之予竊恐此非告老之時也  
卿潔身昏朝確乎不援矣反正始佐我仁祖出入

亨衢二十有七年逮予嗣服宅卿百揆正欲共濟艱  
難迺續新命耳予小子雖不足與輔獨不念先王眷  
注之隆耶使卿告老其失在予於卿何與焉君臣之  
際貴相知心彼令一言不相契豈可以此輕去就哉  
嗚呼卿其念茲毋孤予命

知製教鄭  
斗卿製

左議政金增不允批答

安危實係大臣仰成方篤於初政朝野想望風采引  
疾胡遽於斯時予甚缺然卿豈去也惟卿卓爾名行  
世其儒風邃學通才早期廊廟之事業清標勁節久  
為薦紳之楷模屏跡於昏朝溷濁之辰立身於聖世

貞明之際擢魁科而登顯仕歷試則內外俱宜受深  
知而殫誠心勤勞則夷險不貳闢師席於東序作成  
久專於賢闈掌邦禮於南宮明練益見於喪紀宿望  
已蔚於僉舉爰立允協於具瞻陞自御史大夫真同  
漢家之故事踰為壯元宰相更聞宋朝之美談任富  
弼於中書豈但朝士之相慶置傳說於左右實望台  
德之是匡何意乞休之辭遽及圖任之始伊勞瘁之  
亦甚固知疾病之來顧登庸之幾時乃欲逡巡而去  
其以寡昧之德不足與為無亦倚毗之誠有所未盡  
閔予小子遭家多難山陵甫過難抑攀踊之痛哭使

纔發寧論策應之煩生民倒懸若為懷保之道天灾  
疊出益切警畏之忱斯新服休恤之幾豈舊臣間退  
之日剗痼弊而改紀即卿素懷行仁政而救民莫此  
為急勿藥有喜可見神明之所扶乃僚同心惟宜寅  
協而共濟即出視事亟斷來章於戲此何等時予豈  
多詰安石不起當如蒼生而何相國無歸活我赤子  
之命

大提學趙復陽製

右議政李時白不允批答

責任者重方期共貞引疾之章胡遽再至公無復讓  
予將疇依惟卿為世宗臣受知寧考勲庸夙著於社

稷父子弟兄行誼可質於神明孝友忠信丹心早許  
於殉國素履無愧於承家銓曹掌衡才不遺於簡拔  
王府秉尺論必主於平反言其勤勞則夷險不渝至  
於清白則冰蘖自潔自予臨御以後寔賴輔弼之良  
平勃替入台司坐席回授叔孫既傳太子講筵仍專  
惟茲倚毗之隆實協朝野之望允所設施之際綽乎  
有餘每於忠告之言藹然相感誰意就聞之請遽出  
仰成之辰前言未孚豈誠意之或淺何恙不已恃精  
力之尚強寧忍棄我如遺庶冀勿藥之喜矧惟天灾  
時變警予者深其於國計民憂在卿詎忽大臣不宜

求去艱危若茲左相亦已告休匡濟誰任固當休戚  
與共無以疾病為辭於戲追念先朝於心可忘固謂  
寡德不足有為宜體虛佇之誠亟回遐邇之志

如製  
教李

殷相  
製

左議政具仁堂不允批答

此誠何等時耶方倚卿而為重誰可與共事者遽棄  
予之如遺實關安危如失左右惟卿汾陽忠義邵毅  
詩書以先王肺腑之親最受恩遇當昏朝顛覆厥德  
早策勲名歷試而內外俱宜盡瘁而誠節策著吳漢  
隱若一敵久典親兵李勣倚為長城遂掌邦政逮至

嗣服之日尤切責效之誠亦烏黃扉弄膺宅揆之命  
丹心白首益篤許國之忱予小子實所仰成古大臣  
無以過此不料丐閒之請遽及注意之辰榮衛雖慙  
想神明之有護休戚是共奚進退之自輕恃精力之  
尚強聽何不已豈誠意之或淺予用為慙矧今時事  
之日艱加以天災之孔慘客使之往來相繼聲息難  
真首揆之辭退愈堅籌畫誰任唯當戮力而圖理詎  
宜奉身而告休於戲涉水無津予固知其攸濟即閣  
論道卿豈忽於共貞亟回遐心以副至望

如製  
教李  
殷相  
製

左議政元斗杓不允批答

文苑叢書卷三十八  
王室之休戚是共何成方隆相臣之去就不輕請急  
胡遽予豈多誥卿勿復辭惟卿器宇宏深風度俊偉  
家傳忠烈不墜乃祖循義之聲功存鼎彝克贊寧考  
撥亂之業是用寵任之特盛可見歷試之咸宜出理  
劇郡雄藩威名夙著入長地官兵部望實俱孚肆予  
益切於倚毗遂命爰立於左右朝班威重爵有真漢  
相之儀廊廟訏謨佇見古唐弼之績用振綱紀允為  
百僚之所瞻不殫勞煩亦多庶事之兼顧眷注彌篤  
於宰物辭章遠出於巧間將予禮遇之誠有所未盡  
無亦近日之章仍致不安丞相之獨問牛人稱大體

騎曹之不記馬責在小官卿辭縱由於執謙茲事何  
至於介意顧今多艱之勢難可悉數而言保邦之術  
何居講求方急均役之政將舉設施良難此上下焦  
慮之時豈宰輔求去之日所賴精力之尚健惟思有  
終雖或榮衛之少愆何恙不已正宜竭誠而加勉無  
庸棄予之如遺於戲願瞻朝端勳舊有幾言念時事  
淵谷若臨亟斷來章用副至意

大提學趙復陽製

領議政洪命夏不允批答

金甌重覆意非偶然綠野退閒時則不可謂已諒於  
前批而莫回乎還心抑卿固辭有異例讓茲予申誥

文苑補遺 卷三十八  
悉敷哀情言念一介之能容卿之謂乎若乃昔賢之  
不校卿實近之頃者封章之懇懇血誠逮夫面奏之  
肫肫忠厚重寄之暫許解免良以強迫為未安諸竄  
之旋命量移可見曲副之至意展也自處無歎藹然  
相與之深惟今日再昇乎國勻在當時素定於予志  
綽乎有裕復何毫髮可嫌退而不忘須念股肱之義  
當震撼擊撞之際已占雅量之恢弘矧危急存亡之  
秋實待宏猷之康濟上天之降災斯極下民之薦瘥  
可哀靡愛斯牲尚天心之未格若恫在已奈民命之  
盡劉非老成出而贊襄顧時事將焉底止何憾不已

佇冀神明之護持俾躬處休寧恕邦國之淪喪盍體  
倚毗之重圖臻丕平之隆於戲雖難進易退之風之  
厲斯世而鞠躬盡瘁之節乃根於天卿其懋哉予所

望也

大提學金  
萬基製

頌議政許積不允批答

削罪

國家之憂虞朝夕莫保宰輔之進退安危所關此豈  
引疾之時肆用敷心而誥職予不辟獲戾于天連歲  
水旱之災蓋史策之所未覩八路死亡之慘雖兵火  
亦何以加赤子流離潢池有弄兵之患良臣凋喪唐  
室起亡鑑之嘆有萬分必危之形無一事可恃之勢

文苑補遺

卷三十八

不允批答

六

倉廩罄竭雖欲賑發而何由杼柚空虛邦忍稅歛而重困不知計將安出雖有智者亦難所恃輔弼之臣與同國事尚賴匡救之力少回天心在先朝知卿之深惟寡昧舉國而聽憂愛根於天性王臣匪躬精神發於事為俊傑識務纔見入告於晉接奚遽謝病而異辭設或榮衛之少愆願卿年齡之未暮若論出處之大義則予際遇之方隆當此時可以去乎豈平日所嘗望者儒賢遜野願莫遂於同朝左揆銜綸期已迫於辭陞歎鼎席之久曠我將疇依失舟楫於中流誰與共濟惟今年蠲減之政尚待消詳况明春調度

之方尤急講究卿不強起國無可為於戲唐文皇之體臣豈無剪鬚之念漢武侯之殉國宜思鞠躬之誠

亟斷來章勉副至意

大提學金萬重製

左議政鄭致和不允批答

字誥甫領既養病之有暇遜章又至何可間之益勤非予哀迫之諭屢勤以卿進退之義可諭公爽欲退為冲入而勉留彥博雖衰在初服而復出審時勢則其就定共休戚則其去難閔予眇爾之躬嗣此艱我之業惟圖任老成之意誓將始終抑弘濟艱難之謨尤勤夙夜尚賴先朝之夢卜庶專今日之倚毗顧卿

文苑叢書卷三十八  
材猷為國楨榦台階世踐若揚賜之清忠國典悉諳  
有姚崇之練達行藏係一國之望才德并七襄之高  
紛天災民困之荐侵亦內治外虞之交急震風凌雨  
知棟樑之有功奔江潰河允堤防之是恃雖有一時  
陰陽之患可念三朝眷待之隆方朝著之未寧兼鼎  
軸之多曠觀累疏乞退之彌懇歎垂拱仰成之靡依  
相亦有終是弼臣之自勉公無困我尚時事之可為  
亟斷來章庸體至意於戲念武侯盡瘁之說卿何果  
焉思成王共濟之言予實惕若  
相元製  
任

頌議政金壽恒不允批答

未堪艱虞之孔棘倚毗方隆雖有榮衛之少愆吳辭  
胡遽茲宣綸綍用敷腹心言念宗國之全安實係相  
臣之篤恭如棟樑之支大厦允賴扶顛而持危若舟  
楫之濟巨川所貴傾否而回泰惟其責任之甚重是  
以去就之不輕惟卿濟美名家翹英弱歲擢毫館閣  
藻詞則鳳逸龍蟠正笏朝廷風儀則金精玉潤黑頭  
三事雅望已隆於先朝丹忱一封貞操益著於晚節  
紛然市虎之構譖逃矣家髦之遜荒願進退消長之  
機雖闕世運之推效昧忠佞枉直之別諒由小子之  
幼冲肆當更化之辰首舉念舊之典念玉帛久淹乎



外予固覲顏屬金甌再卜之初人予加額乘法嚴於  
討逆而惟恐涉乎蔓延持議主於揚清而亦嘗濟以  
寅協不務燁赫之名功利之及人則實廣義有雍容  
之量談笑而鎮物者居多方將倚卿以有為詎宜引  
疾而釋負年齡未暮庶幾勿藥之收功精力尚強不  
妨卧閣而論道矧今國勢岌業之日夫豈宰輔休退  
之時四野之未稼盡枯旱既太甚八路之饑殍相望  
民將胥劉百度弛而不張已極水懦人狎衆弊痼而  
未革若為髮擗垢圯雖君臣協心而交修尚難和濟  
况老成歛手而辭避疇克弼諧想先王憑几之音今

胡忍棄我念古后作礪之喻是所望於卿於戲無忝  
乃祖之忠貞克守先訓永惟累朝之知遇不替初心

道一製

吳

右議政李慶億不允批答

自聞卿體之不佳方切憂念是何予心之不諒而有  
遜辭或未深思肆用敷告疾病而思釋重負固人之  
常情安危之須仗賢才乃今之急務叅以公私之辨  
宜有輕重可言休戚與同卿固無忽視之義倚毗之  
重予奚暇強迫為嫌矧先朝識卿于微惟小子舉國  
而聽歷華要而登宰列一節不渝由銓衡而躋台垣

不允批答

輕

輿望允協公平足以矯時弊清慎足以為世儀蓋舉朝方拭目於陶勻胡令予如失手之左右計年齡則未及遲暮論筋力則方喜康強偶然榮衛之少愆意者神助之所勞念周餘蘇息之未易而予躬疾疾之纒瘳方將勵精而圖治以倡卿士庶幾懲前而懲後以固本根此誠治亂之一大關亦惟寡昧之一初政再揖之托所深望於輔臣鼎席之虛未有甚於今日時不可去我將疇依於戲卿無復辭予不多詰臨深履薄予無樂乎為君憂國如家卿豈果於忘世宜遵至意勉回遐心

大提學金  
萬重製

右議政鄭知和 不允批答

輔弼之臣百責所萃更張之始庶務方殷此誠何時卿可深念願惟為國莫難任人前史班班孰非今日之鑑我心昧昧追悔七年之非永歎老成之凋零有懷卿家之伯仲斐迪之篤寔有光於邦家萋斐之讒竟罔極於泉壤龍亡大澤誰禁孽臣之為妖魚脫于淵馴致逆宗之構亂默相幸賴於宗社共濟方待於臣隣惟卿器量洪深才猷闊遠邁表揚弈世之美退若無憑歛山嶽鎮物之功竊然不露雖復王導之歸第隱如汲黯之在廷故於除賊之初重應作相之命

文苑補遺

卷三十一

不允批答

法商宗之任舊鼎席增光幸文翼之有孫朝野相慶  
云胡仰成之日遽有引疾之章軫鞫廳之久勞不瑕  
榮衛之致損閔疾恙之有素亦知強迫之未安然念  
時事之孔艱殆其邦運之新造收威權於竊弄之後  
正須輔相之賢定人心於危疑之餘詎緩懷保之政  
民憂國計若大川之罔涯法度典章無一處之不病  
此誠岌岌之時也豈可望望然去之革貪饕之弊風  
倚卿清德變躁進之行習藉卿撝謙其所期望於卿  
身奚啻倍蓰於平日於戲君臣一體方當協心而圖  
治虞憂多端寧容奉身而求退宜遵至意亟回遐心

左議政權大運不先批答

節宣卞愆宜勿藥而有喜英辭忽至奚棄予之如遺  
殊非平日之所期故乃太息而相告眈予末小忝位  
四年聖學雖嘗研窮終莫窺其蘊奧政事非不講習  
猶未絜其綱維念茲時勢之艱虞難以言語而形喻  
天心仁愛怒豈瘳於下民歲旱荐仍災實名於寡德  
群神遍舉雨意愈愷百穀咸焦秋事無望當行法制  
未免中輟而不行有罪徒流亦皆並宥而除罪徒歸  
苟簡而無補敢云消弭之得宜况朝廷用捨之間和  
協鮮見自儒賢退藏以後矜式無憑當今上下之傾

心唯在輔相之戮力惟卿才德之兼備寔予股肱之  
相須先朝寵隆擢至地官之長初服契合首置鼎席  
之尊清標茂規領袖簪裾之上敏識貞度著龜廊廟  
之中第宅類布素之時僅旋廳馬門間絕苞苴之跡  
誰饋河魚肆彈倚毗之誠益佇匡濟之畧不料引疾  
之劄轉作丐閒之章勤勞積傷縱榮衛之或損愷悌  
求福想神明之有扶精神孔陽何妨卧閣而論道暑  
熱方苦不必強疾而造朝念卿以古人自期不宜輕  
退豈予於前席之對或吝敷施靜言思惟良用慚恧  
於戲成王幼弱寧許召公之歸休元祐清明實賴司

馬之入相宜弘樂休之業亟回若浼之心

知製教李  
瑞兩製

右議政許穆不允批答

凡大臣重望厚責之攸屬進退固不可輕矧今日人  
心世道之至斯去就尤所當審恐或未諭前旨復此  
申誥中情歷觀大君子休休有容不搖於震撼者豈  
若小丈夫悻悻見面以物為喜怒哉然後是社稷臣  
方可做宰相事惟卿士林宗匠國家著龜文起晉魏  
齊梁之衰信乎灑灑爾噩噩爾道傳瀛洛開闢之正  
不亦炳炳乎章章乎肆置於嚴廊之尊遂委以棟樑  
之任雅望鎮物屹若砥柱於中流正色立朝不見喬

文苑叢書 卷三十一  
十一  
嶽之運動頃當邦禮之壞宗統之紊尚賴據經而抗  
章所以矢志之革死黨之徒必欲投間而抵隙攻斥  
卿身之不足誣及祖先而甘心予既舉而衆之洞燭  
奸狀卿勿介於懷也強執小嫌今若釋負而就閒適  
中其計自可卧閭而論道毋孤予誠試者國事之憂  
虞重以民生之凋瘵妖星示警不知何操禍伏於冥  
冥亢旱為灾咸曰于斯時殆哉岌岌須念先哲人鞠  
躬盡瘁之義此非吾家髦奉身求退之時自首揆請  
告以來尚慮久曠鼎席若老成相繼而去誰與共濟  
屯艱予所望卿者若茲卿豈棄予而不顧於戲與其

脫屣軒冕優遊於寬閒疇寔之濱曷若端委廟堂贊  
襄乎郝俞吁咈之際務存恢恢之量亟回邁邁之心

知製教  
權璣製

左議政閔鼎重不允批答

國家之憂虞孔棘方深倚毗之誠輔相之去詭不輕  
胡堅遜辭之志茲宣綸綍誕敷腹心惟卿松柏之貞  
金玉其相孝悌之行清謹之操自是家庭之緒餘淵  
源之學經濟之才夙資師友之薰炙早摘髻於黃甲  
遂發軔於青雲秉心公平清議為一時之重持身簡  
潔雅望在群僚之先握機衡於天官則世服山巨源

文苑叢書

卷三十一

不允批答

十一

之藻鑑任激揚於臺省則人知范孟博之風規肆蒙  
累朝之殊知仍躋八座之峻秩逮冲人之嗣服未悟  
三至之讒而群賢之抱冤遽罹一網之打念孤臣之  
壹鬱卿實奚辜想炎微之間闕予固有覲茲當周化  
之更始首降漢札而名還棟樑著龜文係蒼生之想  
望鹽梅再揖遂膺黃閣之登庸李文靖之門庭不容  
旋馬之地張知白之儉約無異掌禮之時蓋綜覈庶  
事之紛綸而亦必務守大體雖調和群議之携異而  
未嘗少替清名云胡仰成之辰遠有釋負之請卿何  
恙不已庶幾勿藥而有瘳予未堪多難詎宜丐閑而

求退願今咎微之疊至重以年事之大侵水旱風霜  
之災則前史之所罕見顛連餓殍之慘將斯民之靡  
孑遺雖群臣協心而交修尚難弘濟况老成歛手而  
辭避疇克胥匡追先王眷注之非常可忍棄予若浼  
顧大臣安危之所係敢曰在家不知於戲祖宗在天  
之靈曷不念幼孫有此小大盈庭之議其必待元老  
折衷亟斷累至之章勉盡共貞之道

道一製 吳

頌議政南九萬不允批答

方喜造朝庶屯艱之共濟不俟終日何英續之又呈  
恐未深思茲用敷告惟卿三朝歷事一節彌堅挺出

文苑補遺卷三十八  
十一  
人豪資稟精金美玉砥礪風俗志操凜雪清冰學問  
有淵源之來蔚然士林之宗匠器局任經綸之責允  
矣朝野之典刑自先后知遇者最深肆寡躬倚毗之  
采篤中間去國幾閱風霜之勞左右弼予復膺霖雨  
之佐蓋自士民之加額益貴君臣之知心臨大事而  
決疑雖周公何以過確平日之定力而益責不能撓  
惟春秋討罪之嚴卿豈獨昧為國家慮患也遠予亦  
深知既自任蹇蹇之匪躬抑何妨嘒嘒之多口震撼  
擊撞之欲鎮容物之量是須安危休戚之與同望治  
之心方切夫何釋負之懇遽上引疾之章夙夜勤勞

雖或榮衛之少損神明扶護所幸精力之尚強凡今  
國勢之艱虞殆乎急矣自古輔相之去就豈云易哉  
天災時憂之相仍非卿無以弭穰朝論士趨之靡定  
非卿無以調和矧以老成臣之尊且兼世子師之重  
吉日隔五已迫入學之期台星備三宜聳環橋之士  
倘思前夏枉駕之教合回今日懸車之心於戲名公  
爽之告歸勉留既篤諸葛亮之盡瘁責任不輕予欲  
無言卿無困我

知製教洪  
受疇製

領議政柳尚運不允批答

敷心之誥纔頒予非徒循乎舊例引疾之章繼上卿

文苑補遺卷三十八 不允批答

文苑叢書 卷三十八  
胡至煩於再辭或未深思茲用申諭言念自古艱危之際必有一代倚毗之臣歷觀茲時疇任厥責卿有清操雅量足以標率乎群僚卿有敏識英猷足以綜理乎庶務蓋其歷職之久望實既孚故自更化以來眷注深切遂延登於揆路乃委任以政機辛甘燥濕之調和卿不憚於盡瘁霖雨再楫之倚望予實深於仰成不幸朝議之多歧屢致鼎席之求退臺疏交上殆無一二月之安異續頻呈不特十數度而止每念廟務之曠廢無樂為君馴致國體之損傷罔知攸處至於今日之請急或因前事而難安惟平日公忠之

誠予所深諒而一時過激之論卿豈追嫌故於批諭之辭開釋備至此誠危亂之會去就奚輕若以此小芥于心殊有乖大臣之體監董甫訖縱因勞動而致傷精力尚強所期神明之有相矧今憂虞溢目之日尤非老成奉身之時飢饉荐臻周家之萬民靡孑扎瘡相繼潮陽之十家無瘳乾文之告警層生若為消弭之策朝著之橫潰日甚尤難調適之方固不可捨卿而為治其奚忍棄予而求去君臣之間久隔懸苑殊深休戚之義與同遜讓奚過宜回若浼之志以副如渴之誠於殿屢朝之曠典肇修正當更紀之會太



廟之典禮已迫蓋望造朝之期常勉上下之知心允  
宜體念所賴輔相之協力毋庸固辭亟斷來章勉回

遐志

知製教宋  
徽殷製

左議政尹趾善不允批答

小子若涉淵冰方待卿而共濟大臣不忘社稷胡棄  
予之如遺恐未深思更申敷告惟卿資品醇謹器度  
恢弘傳家以孝事君以忠克繼之稱已著論道之才  
鎮物之量酷似之風斯存父子並掌銓衡可謂有是  
父而有是子兄弟克踐台席皆曰難為弟而難為兄  
故予倚毗方深常幸棟樑之支厦惟卿謙挹太過每

嫌簪笏之盈床不料引疾之章遽及仰成之際鍾情  
之痛難抑雖或悲疚而致傷釋負之請愈勤實非意  
慮之攸及神明有相佇見勿藥而瘳精力尚強何可  
以疾為解矧今艱虞之溢目尤宜輔相之協心上天  
之譴告非常實由寡躬不穀八路之飢饉孔慘哀此  
小民何辜善類登朝尚有携貳之議群盜萃藝方多  
竊發之憂弊政雖蠲而實惠未究願網欲舉而舊習  
難除此誠岌岌乎殆哉寧忽望望然去也共國休戚  
所恃有一二臣微卿贊襄誰與諮大小事不以萬力  
為禮何必自便是圖茲敷心腹之辭冀回若浼之志

太廟將行親謁詎緩造朝之期首相未免獨賢當念  
共貞之義雖十章斷不可許而再度無乃太煩於戲  
君臣貴相知心寧有不孚之意上下苟能戮力自無  
難做之時安危所關進退何遽

如製教洪  
受疇製

領議政徐文重不允批答

歷觀國家之安危實係輔相之進退姚宋為政則開  
元之治可觀韓富在朝則慶曆之化為盛矧今日岌  
岌之勢有衰季亂亡之憂世道人心殆至於莫可收  
拾天災地異不知有何樣禍機此誠大小臣僚馳驚  
而不之豈宜股肱輔弼去就之自輕惟卿有文武資

同休戚義曉達時務陶大尉之綜理不遺久掌戎權  
祭征虜之忠勤深篤由其望實之俱著肆予倚毗之  
愈隆雖前後屢登台司曾不淹乎歲月故平生所抱  
器業尚未遑於措施逮夫改卜之初乃有无妄之疾  
累月在告知榮衛之復完數旬造朝喜謨敵之日贊  
不料肅助之日又上請急之章豈國事之無可為使  
智者而縮手抑誠禮之有未盡顧予躬而多慚席上  
密勿之言將欲待卿而區劃病裏條奏之詞亦足見  
卿之忱誠茲用申申而告之豈可望望然去也年齡  
雖高既非懸車之時精力尚強想有勿藥之喜惟宜

文苑叢書 卷三十一  
十八  
即閣而論道何必累牘而請聞於戲如水無津誰任  
舟楫之責若歲大旱益切霖雨之思亟回遐心勉副

至望

弘文提學  
李顯命製

左議政李世白不允批答

輔相之職實關安危君臣之間貴在誠信諸葛盡瘁  
益著殉國之忠阿衡告休亦待成功之後念今艱虞  
之日棘豈卿去就之自輕饑饉連仍民生之困瘁已  
極災異疊現上天之疾威非常不知何禍機伏在於  
幽隱尚賴我賢弼匡救其顛隳惟卿德厚年高任大  
責重端委五載允為柱石之臣儀刑百僚久負山斗

之望雖聲色不動於外而功利所及者多肆予倚毗  
之愈隆詎合引退之太遽蓋自昨年以後國有吉凶  
之儀念卿獨賢之勞身備內外之責休暇初許知非  
出於釋負之心勞瘁已深姑欲遂其養病之計惟期  
造朝之不日忽訝請急之有章以疾病為辭則固精  
力之尚旺以時事為念則非進退之得宜想卿體國  
之誠寧不及此顧予仰成之意實用多慚矧今庶務  
之多隳不宜鼎席之久曠夷險一節奚暇奉身而求  
閒區畫百為正如救焚而拯溺茲敷心腹而申告冀  
體股肱之相須於戲涉水無津涯何足喻今日之急

文苑叢書

卷三十一

不允批答

十八

若早作霖雨庶母負平昔之期勉回遐心亟斷未續

弘文提學  
李頤命製

右議政徐宗泰不允批答

既宣諭之丁寧又批辭之申懇謂當勉起胡至連章  
重敷心腹之言庸責股肱之義永念時事曷堪殷憂  
黨議紛爭而朝無寅協之美民生困極而野有愁痛  
之聲星虹之災厥咎安在扎瘥之慘近古所無國其  
謂何天之方蹶凜有懼於多難將誰賴而胥匡尚幸  
忠良任予承弼惟卿鸞鳳瑞物冰蘂清名簡素儒雅  
之風一心謹慎雍容揖遜之態餘事文章傅堯俞名

節無瑕允矣金玉君子呂晦叔德望漸重居然柱石  
元臣故托重於益梅何待決於夢卜心公而愛惡兩  
忘不染朋比之私位高而冲挹彌深可醫趨競之俗  
玄齡就第雖暫許於乞身君實還朝果復叶於加額  
期卿鞠躬而盡瘁俾予端拱而仰成庶有揀於顛危  
儻少紓乎宵旰惟茲遜牘實乖素料既非告老之年  
又無難強之疾至於論思之疏未見侵詆之言以休  
休之心固當付於一笑示悻悻之色寧不駭於群情  
方謂協心共貞如救焚溺豈容袖手忽視圖占優閒  
縱榮衛少愆不妨卧閣論道顧安危所係敢曰俾躬

處休予不捨卿公毋困我於戲廣忠益而勤攻吾闕  
諸葛之事業光明徇國家而不為身謀魏公之功烈  
茂著勿引小嫌而求退勉追前哲而同風亟回遐心  
用副至意

知製教崔  
昌大製

右議政趙相愚不允批答

昨宣予十行之札注意方深今見卿再度之辭巧聞  
愈懇病豈難強誠或未孚願寡躬焦憂之辰非大臣  
休退之日天心靡豫早蝗之妖斯興朝象乖和蠻觸  
之閩未已南畝將為赤地群生有殿屎之嘆北人來  
覘白頭兩界致繹騷之患調燮實在於宰相區劃宜

資乎老成惟卿忠孝家傳儒雅天賦德量足以鎮浮  
躁儼有儀刑言議足以劑辛甘痛絕偏係論事則正  
君是務諒由學問之工掾時以恤民為先蓋本愛物  
之念故以予倚毗之隆眷欲藉卿經濟之弘猷何意  
疾疢之侵尋遽見異讓之懇至年踰耆舊縱榮衛之  
少愆位尊嚴廊豈筋力以為禮兩相重卜殊異獨賢  
之時昔疾今愈須勉共濟之幾不妨卧閣而論道詎  
合奉身而圖便聚會精神予正思淬勵而為政救拯  
焚溺卿固宜講究之多方素知有體國之深誠曷不  
為敷心之勉諭今日之艱危若此夫豈安於在家乙

夜之思想為勞宜不暇乎俟駕於戲文潞公謝少休  
之命老而益恭蜀諸葛彈盡瘁之忠死猶不替予不  
多誥卿毋復辭

知製教宋  
徽殷製

領議政洪致中不允批答

懇諭再申謂卿意之可挽遜辭三至愧予誠之莫寧  
復此諄諄毋或邁邁念惟國事之可挽豈在時象之  
調和臯陶夔同寅之謨廷僚之協恭為美箕疇垂無  
黨之戒王道之蕩平可期雖盛際治化之邗隆猶且  
以此為先務嗟今日世路之橫潰豈宜捨是而他求  
顧小子念惟在茲匪輔相誰可夾贊欲革百年之痼

弊所以克艱要得一德之蓋臣思與共理惟其注意  
者重耳寧許奉身而退耶惟卿巖廊碩姿相門遺範  
凝遠器度允矣師表百僚端雅風儀足以坐鎮一世  
蓋平日寬裕之論未忘調劑於辛甘慨末俗傾軋之  
風每欲和協乎左右知卿素志之既固故予許心而  
相須風波震撞之際賴雅操而鎮平朝象泮浚之辰  
藉洪量而收拾苟能挽世道之同異洵然相孚雖或  
值時事之艱虞何難共濟云胡倚毗之深篤反致異  
議之斯頻屹砥柱於頽波方切仰助之望邈亦烏於  
荒野豈忍便訣之嘆顧此時論之消融庶幾垂成於

數歲若夫元輔之鎮服或恐虧功於半途雖有屢月  
監董之勞傷自可造復至於曩日處分之乖當夫豈  
介懷雖十章之荐呈已一念之堅定矧今艱危之溢  
自尤宜輔弼之協心天災疊臻正急八路之調賑鞠  
獄繼起誰鎮衆心之憂疑鼎席半虛纔見左輔之舍  
恤異贖頻徹詎合首揆之巧閒念時勢敢言去乎顧  
予意必欲留者於戲呂汲公之無私黨庶見贊治之  
休周召伯之輔王家亟回告老之志予不多詰卿須  
深思知製教趙尚慶製

頌議政沈壽賢不允批答

奔走餘疾病或乘人固不免進退間安危斯係卿豈  
未思所以疏批之纔宣復此忱辭之誕告惟卿一節  
忠愍三朝老成無黨如呂汲公雖黃不到鎮俗如盧  
懷慎貞白自持卓爾脚跟之硬牢和中有確任彼風  
波之撞擊靜後能安矐言處江湖亦憂歸然若靈光  
獨在肆起諸六載長往俾冠乎百僚具瞻謝安石東  
山起來舉皆服鎮人之量李文靖中書再入何嘗有  
害物之心予欲濟萬姓飢困顛連則任卿以區畫子  
惠予欲破百年黨比膠固則望卿以調劑辛甘歲月  
以磨終期勳庸之茂著年齡雖邁每喜精力之尚康

予方且注意彌隆卿何乃丐閒太遽庭班久設固憂  
積勞之已多廟見纔陪不圖吳章之續至念庶事之  
未及就緒胡不深思纔半載而若許懸車初何重卜  
論治道於卧閣惟宜前批之寔遵憂國事而忘身休  
念重擔之輕卸非敢為外貌之禮是皆由中心之言  
民憂國計之無涯若將墮谷世道人心之俱下誰挽  
頽波協贊黃扉當思新烈之勉率優閒綠野豈念舊  
壑之徑尋歲功垂成方急釋政之裁制秋涼乍動正  
待講筵之討論須念多艱毋引小疾於戲臨敗局而  
袖手卿何果忘履薄冰而焦心予願共濟適當此憂

虞溢目勿復以欽退為心

如製教李  
龜休製

右議政金興慶不允批答

予方股肱之相須倚任斯篤卿則休戚之與共去就  
胡輕或未深思茲申明誥顧今時象之泮溲每軫朝  
議之協寅淫朋為病國之源幾痛迷不知返苦心圖  
建極之治所期誠至必通而此時尤急於彌綸若其  
責專萃於輔相惟卿乃心王室為予同德世臣自黑  
頭而叅軍國之機輿望已洽因昔夢而置鼎鼐之位  
器遇益隆所賴日襄之猷佇見歲計之益眷毗三載  
精白一心蓋倚卿休休而有容庶贊予蕩蕩而無黨



何意都門送出之舉乃在臺疏上徹之初日前對辨  
之章已諒卿偶失於照管意外侵斥之論仍致卿不  
安於朝廷往事悉付於先天今無可議群心洞釋於  
半夜胡復為嫌纒近侍之往宣遠英牘之繼上既心  
腹之誣諭始謂承命而改圖何情志之不孚乃反決  
意而棄我念朝著之潰裂予欲無叱想民事之艱虞  
卿豈忍視惟當上下交勉期世道之挽回所貴君臣  
相知豈人言之芥滯於戲小子之誠禮雖淺可忘共  
濟之謨大臣之進退匪輕宜殫盡瘁之義須臾至意  
亟斷來章

如製教  
任珽製

左議政金在魯不允批答

寅陞宣諭謂卿心之庶回英牘丐聞胡予意之莫體  
試者艱虞之溢目盍念安危之在身惟卿兩世調勻  
三朝儲望英猷博識允矣邦家之蕃龜雅操冲襟倚  
歟搢紳之楷範恢公守正不以喜怒私與奪之權憂  
國忘家不以利害為去就之計厥惟輔相三載幾多  
篤棊一人予欲濟萬姓飢困顛連則任卿以區畫子  
惠之策予欲破百年朋比膠固則望卿以調劑辛甘  
之方願重托方期於益梅而宿嫌遽尋於台鉉予纔  
喜三公之此列庶冀聚精而會神卿不肯一席之周

旋無望同心而協力惟宵旰願股肱之共濟故前後  
有心腹之悉敷追聖考之飭辭幾勤前席之眷眷引  
先卿而誨諭要體平日之休休謂移孝而為忠雖知  
卿懇之有執勉棄怨而徇國莫曰予言之無稽父子  
之間難言豈使忘親而忍缺君臣之義亦重實敬先  
公而後私何誠意之未孚而遜辭之至此望實深於  
協贊始命台輔之並躋心不釋於私嫌罔念朝象之  
旋潰夙夜匪懈縱致榮衛之有愆神明所扶可期藥  
餌之收效苟此日乍出而即適豈向時朝罷而夕除  
憶昨賜缺意有在於盃酒棄我若浼臨反踈於巖廊

承便殿開釋之音更何多詰兼儲宮傅保之任尤宜  
深思於戲履薄冰而小心予願同濟臨敷局而袖手  
卿豈果忘亟斷來章勉副至意如製教金漢詰製

右議政趙顯命不允批答

初詰已宣謂卿意之必挽再單復徹媿予誠之未孚  
重敷心腹之言庸責股肱之義永念時事曷堪殷憂  
必欲化一代朋比之風而未見寅協之實必欲行八  
路審理之政而尚心之聲方春貫日之虹寧欲  
無語盛夏滌時之雪益覺驚心當此時尤急於彌綸  
顧其責專萃於輔相惟卿社稷之器帶礪之勲忘身

於福福利害之場即古人鞠躬盡瘁之義贊治於公  
正和平之域是乃兄齎志未卒之功風波震撼之屢  
經而貞亮之操愈確國家休戚之與共而倚毗之眷  
采隆纔鼎席之備三胡異續之至再艱虞溢目方期  
聚精而會神安危佩身詎宜巧閒而釋負固知朞去  
者無義莫曰尋單之有幾豈以世道之無可為而奉  
身決退豈以廟謨之有所諉而袖手傍觀雖卿辭之  
此勤予豈捨廿載倚恃之弼願予志之已定卿毋孤  
前席懇惻之言復此諄諄無庸邁邁於戲閱心民國  
予猶靜攝中自強係念宗祚卿何艱難際遽遜須臾

至意亟斷來章

知製教金  
尚迪製

右議政鄭羽良不允批答

初誥已宣謂卿意之必挽遜續又至媿予誠之未孚  
雖出喜懼之至情奈佩安危之重寄永念今日之時  
勢不遑中夜之隱憂災沴之式月斯生天之方蹶扎  
瘡之連年相續民亦盡劉朝象則千態萬形而黨伐  
之私必售國事則東牽西補而姑息之病難醫我聖  
上雖靜攝之時未忘民國之大計予小子在冲幼之  
歲曷堪朝野之多艱當是時尤急於彌綸若其責專  
萃於輔相惟卿經術其學剖方其姿儒雅謙慎之風

賢父嘉訓雍容簡潔之操頽俗清名廿載任調劑之  
方所貴物我之兩忘一身托休戚之義益勉夷險之  
不渝處兩銓而績用乃成宅百揆而倚毗采雋蓋其  
志操之貞固譬剖金百鍊不磨每到精神之發施如  
快刀一剗即割學進而量亦進思恢廣廈之規模官  
尊而心不尊猶帶寒士之氣像夫何仰成之日遽上  
乞免之章同李密計日之情雖予心之戚戚異王尊  
叱馭之義胡卿意之望望以聖后錫類之仁非不念  
前席乞身之意在大臣體國之道益宜思古人鞠躬  
之誠肆庸心腹之悉敷宜勉益梅之交濟元老遜野

誰任夾輔之功左揆在朝政多獨賢之歎於戲非曰  
先家而後國政宜移孝而為忠待漏鑿聲縱有夙夜  
勤瘁之苦趨庭彩服豈無晨昏定省之歡亟斷來章

勉副至意

知製教金  
尚耆製

願議政李宗城不允批答

前席屢陳旣聖意之堅定辭單遽上胡遐心之莫回  
卿無固辭予豈輕許矧今國家多難之會尤非元輔  
求退之時民生困窮飢饉癘疫之報日奏朝象泮澳  
酸醎辛甘之調難期百度庶僚之恬嬉誰與濟事天  
災時變之荐沓人皆懷憂宜君臣協心而交修詎輔

相袖手而求去惟卿柱石宿德珪璋美姿地望風猷  
有相門出相之譽文雅學識自經席橫經之辰通敏  
練達之才歷庶職而俱可謙冲簡潔之行陟高位而  
愈彰才足以淹貫古今智足以綜理事物肆大朝特  
加登庸而平日深篤倚毗黃扉久虛聖心急股肱之  
佐白麻初降輿情聳手額之懽逮茲小子代理之時  
益仰元老協贊之效如扶巨厦用卿而為棟樑若涉  
大川藉卿而為舟楫夫何釋負之請乃在求助之辰  
想精力尚旺於衰遲何妨卧閣而論道雖榮衛積傷  
於勞悴庶幾勿藥而收功望固切於輿僮詎忽弘濟

屯艱之責義則重於師傅政須輔導禹筮之誠宜體  
仰成之心勿懷果忘之志於戲哲人先憂後樂世臣  
共戚同休大早用作甘霖予實有待故國非謂喬木  
卿何不思亟斷來章須臾至意

明楷製

頌議政奎致仁不允批答

浚誥申諭已盡敷心其章又來何堅引疾念國憂之  
非一慨卿辭之至三惟卿早襲訓於家庭蔚有望於  
廊廟子繼其父孫繼其祖爭稱漢代之表揚國耳忘  
家公耳忘私卜膺商宗之霖雨隨事而鍊達通敏自  
有乃家之規模處物則樂易寬平克副寡躬之倚注

通來上台之重卜尤期晚政之委毗惟數年彌綸之  
誠一如先卿之協初政當萬機倦勤之日益望元輔  
之救前功夫何屢困我之餘終決力解位之計劄陳  
筵奏之去益懃懇非予不諒其哀世道民憂之莫可  
挽回捨卿誰與共理諸路之灾荒溢目政急東止賙  
賑之方式月之警告驚心宜講上下消弭之策須勉  
古人盡瘁之節此豈大臣求退之時筋力積德於診  
筵縱難責五日之頻接治道可論於卧閣豈過引一  
時之微病感予十行由衷之言回卿六丁難挽之志  
於戲兩相之賢勞可閔寧忽車子之共推首揆之責

任不輕尤宜鼎席之俱備庸副多誥亟斷來章

知製  
教趙

宗  
鉉

左議政李滉不允批答

倚毗之誠方深喜鼎席之有備懇款之批已悉胡英  
贖之遽尋予不以敦迫為嫌卿莫曰疾病難強惟卿  
朝著宿望公輔令姿父祖之緒業是承不墜故家之  
遺訓內外之華顯遍歷曾荷先朝之殊知遂進躋於  
巖廊久協贊於機務六月遠陽之行役不憚險夷經  
年史局之摠裁久貽勞瘁頃當台司之載缺乃自樞  
班而復登顧辛甘酸醎之調和固卿責之在是若簿

文苑補後

卷三十八

不允批答

三十一

書錢穀之管摠非予望之止斯雖寡躬之有遺尚賴  
匡輔之力幸舊人之圖治庶致終始之功不料倚為  
重之辰遽有辭以疾之請豈弟神明攸相謂昔疾之  
已瘳進退安危所關何前批之未諒中書非養病之  
所縱有控辭之轉宰大臣無可去之端未宜許副之  
輕遽論以古宰相盡瘁之道宜圖厥終豈謂予小子  
禮使之誠不及其始矧今時憂之溢目政須輔相之  
協心臨御今四五年專賴賢佐之篤繫艱虞非一二  
計必藉嘉謨之共貞首相之精力雖強豈可獨賢王  
事右揆之枚卜屬耳當思共濟時艱益勉股肱之良

庸體心腹之諭於戲雅俗實賴於坐鎮何煩夙夜之  
勞庶務不妨於卧治毋負朝野之望勉副至意亟斷  
來章

知製教姜  
彝正製

右議政鄭弘淳不允批答

君臣一體交頌喜鼎席之寅協輔相百責所萃胡異  
牘之遽尋有此諄諄無或邁邁惟卿心存王室系出  
名家持身簡貞早襲門庭之訓遇事綜密夙抱廊廟  
之譽粵自先朝之受知歷試殆遍逮夫寡人之嗣服  
眷注采隆邦賦是治大司農之委任輿望攸屬右丞  
相之特升國事艱虞此何時也廟謨密勿期共濟焉

文苑叢書 卷三十一  
祗緣一時之讐言以致歷日之引義臺閣任面刺之  
責纔見白簡之登朝宰相貴容受之風胡至赤舄之  
遜野此不過倉卒間事且莫曰關係非輕一己之廉  
隅欲伸卿雖陳四維之義大臣之去就至重予則盡  
九經之規敦諭屢宣嗟心腹之既悉近侍斯遣庶情  
志之交孚豈意近侍之辰遽見遜讓之舉往者勿說  
固是聖人之言公身忘私盍念世臣之道非平時體  
國之意為卿慨然曰此日釋負之心是予望也於戲  
念輔相同休戚之義豈忍若斯顧人臣有進退之憂  
庶幾改止庸副多詰亟斷來章

如製教黃  
昇源製

頌議政鄭存謙不允批答

溫批四宣擬前席之申諭吳續五撤慨中心之未孚  
顧今日何如時耶念國事無可言也世道若下山之  
勢非一人所可挽回名義有掃地之嘆嗟百度由是  
頹敗危棋失着誰是真一局之才滄海無津宜須濟  
萬斛之手惟卿名家世胄王室蓋臣自先朝而逮事  
寡躬素知其不渝一節以宰列而擢置上相已期以  
共貞多艱斷斷芳園耳忘身立朝勵忠謹之操怕怕  
若言不出口居家著恬約之風豈意倚毗之方隆遽  
見辭異之益固進退際理亂斯係期勉鞠躬之忠君



臣間誠信素寡為奉身之請以平日憂國如家之  
念宜宜與我共治况此時扶顛持危之謨其將捨卿  
何恃於戲大官義在體國固知去就之不輕時事日  
覺沾危盡念大小之交勉積瘁致無妄之節縱難造  
朝而經邦善攝占勿藥之休何妨卧閣而論道毋替  
茲命亟斷來章

內閣知製教  
全載璜製

領議政徐命善不允批答

溫批甫諭謂遐心之可回遜牘重尋慨至意之莫諒  
其勿困我正急需卿惟卿世濟忠貞契隆知遇當國  
家危疑之日卓有樹立之功逮朝廷極蕩之辰實深

倚毗之責端笏天陞有臨節不奪之操運籌嚴廊著  
濟屯以正之譽肆當心簡之後遂處首揆之尊經年  
史局之摠裁久貽勞瘁向日邦慶之定誦實賴贊成  
禮遇不衰益梅之托累重嘉謨孔彰魚水之契方深  
矧今國事之多艱奈此逆變之相繼龍蛇莫化於勤  
諭人心世道之底定無期鯨鯢自速於嚴誅朝著士  
林之憤惋愈切不料求助之際遽有釋負之章誰賊  
雖平是豈綠野頓閒之日周饑滋甚難副赤烏明農  
之忱多年獨賢固慮榮衛之少損數日將息尚冀神  
明之有扶嗟元老必享其遐年而昔疾佇瘳於今日

辭榮謝事實非賢相圖終之時聚精會神宜勉古人  
盡瘁之義治道可委於卧閣濩誥斯勤僚責固重於  
推車鼎席難缺予更敷心腹腎腸之諭卿宜盡股肱  
耳目之譽亟回若浼之心庸副如渴之望於戲體允  
重宵旰之念莫曰臣退之可三勉百工喜起之方宜  
諒朕言之不再茲不多誥勿復固辭

如製教李  
太亨製

左議政李福源不允批答

濩綸由中謂遐心之可挽異續連上愧淺誠之未孚  
卿豈自私予不多誥惟卿柱石重望圭璋令姿律以  
簡約廉清模範一世輔之文章學術藻飾太平身雖

柱柱

處崇高之班自奉如寒士志不渝夷險之際只知有  
國家肆見詢謀之僉同特授輔弼之重任許謨密勿  
克贊履氈之郝俞風範端凝先叶朝野之想望元良  
之智思漸就任卿以導迪之方末俗之浮囂轉深昇  
卿以坐鎮之責不料仰成之際遽有丐閒之章辭單  
不止於再三自顧多慙温諭已罄於前後寧欲無言  
病緣憂勞庶神明之有相義同休戚詎出處之自輕  
矧元輔相繼尋單願否德誰與為理天灾寔由於寡  
昧卿何過辭國事日趨於艱危時非可去於戲體予  
敷腎之諭勉乃協心之圖進退皆憂何必江湖之遠

不允批答

三十一

引精力尚旺惟宜廊廟之坐治亟斷來章勉副至意  
知製教趙  
濟魯製

右議政奎燧不允批答

英牘又上卿何困予至斯浚諭由中予實捨卿不得  
過讓迄可休矣誠意或未孚歟念茲時虞之方殷誰  
與國事之共理三公相繼引退久矣台席之生塵萬  
機無所倚毗茫如巨川之失楫五日籌對殆閱月而  
稟停八路簿書奈無期於覆奏惟大臣有體國之義  
况今日非丐聞之時願予委任之隆惟卿夷險之節  
西城古宅至白首不改雅規中書半年惟素履可範

頽俗言必稱於古昔感卿款款之忠禮不替於始終  
篤予眷眷之意方期盡瘁之責胡遽引疾之章當皇  
壇致齋之辰幾勞其庶之望逮王府胥命之報徒切  
莫諒之嘆卿雖至六告之勤予則無一俞之理股肱  
之托倘念義可去耶心腹之諭屢宣辭已竭矣乍入  
旋出前輩之已例固多先公後私大官之自處尤別  
一節素著於辭樞縱嘉雅志之避榮三晉久曠於登  
筵奈此時事之靡托鎮日藥院之書啓已謔美疹之  
差蘇浹旬近侍之相隨盍念國體之傷損宜亟幡然  
而起益勉國耳之心嗚呼進退皆憂何必江湖之遠

引去就惟義難容巖廊之久虛卿其思三予不言再

內閣知製教  
李崑秀製

文苑備考卷之三十八

